

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 260344 25 St  
Zenica, 07.07.2026. godine

Općinski sud u Zenici, stečajni sudija Samra Spahić-Drino, u stečajnom postupku nad stečajnim dužnikom „TIMA“ d.o.o. Olovo, Proizvodno, prometno i uslužno društvo, ulica Olovske luke bb, Olovo, MBS: 43-0-0166-08, JIB: 4218632890001, koji je pokrenut po prijedlogu predlagača „TIMA“ d.o.o. Olovo, Proizvodno, prometno i uslužno društvo, ulica Olovske luke bb, Olovo, MBS: 43-0-0166-08, kojeg zastupa punomoćnik Zukić Semir, advokat iz Sarajeva,, nakon održanog ročišta 15.04.2026. godine, kojem su prisustvovali privremeni stečajni upravnik Jasmina Knezović i punomoćnik predlagača, van ročišta, dana 07.07.2026. godine donio je:

### R J E Š E N J E

Otvora se i zaključuje stečajni postupak nad stečajnim dužnikom „TIMA“ d.o.o. Olovo, Proizvodno, prometno i uslužno društvo, ulica Olovske luke bb, Olovo, MBS: 43-0-0166-08, JIB: 4218632890001, zbog nepostojanja imovine dovoljne za pokriće troškova stečajnog postupka, te se nalaže brisanje ovog privrednog društva iz sudskog registra zavedenog pod matični registarski broj 43-0-0166-08, po pravomoćnosti ovoga rješenja.

### O b r a z l o ž e n j e

Prijedlogom od 07.05.2025. godine predlagač je putem punomoćnika podnio je ovom sudu prijedlog za otvaranje stečajnog postupka nad navedenim društvom zbog platežne nesposobnosti.

Rješenjem ovog suda od 20.02.2026. godine pokrenut je prethodni postupak za utvrđivanje uvjeta za otvaranje stečajnog postupka nad navedenim društvom, te je radi utvrđivanja uvjeta za otvaranje stečajnog postupka nad ovim društvom za privremenog stečajnog upravnika imenovana Knezović Jasmina iz Visokog.

Iz Izvještaja privremenog stečajnog upravnika, koji je dostavljen sudu 23.03.2026. godine proizilazi da je privremeni stečajni upravnik proizilazi da privremeni stečajni upravnik Knezović Jasmina utvrdila da se na adresi sjedišta nalazi stambeni objekat- privatna kuća vlasništvo osnivača koji boravi u Njemačkoj, da je objekat zaključan i nema vidljivih znakova obavljanja poslovnih aktivnosti, da je račun društva blokiran duže od 7 godina, da prema uvjerenju Općinskog suda u Visokom, Odjeljenje u Olovu, društvo nije upisano kao vlasnik/suvlasnik nekretnina, da prema Rješenju MUP Zenica Sektor za administraciju Olovo nije evidentirano kao vlasnik vozila, odnosno društvo nema evidentirane imovine niti u javnim registrima niti u poslovnim knjigama. Dalje je navela da ne postoje uslovi za nastavak poslovanja niti restrukturiranje. Stečajni dužnik ima evidentirane obaveze po osnovu direktnih poreza, doprinosa, u iznosu od 36.807,85 KM + 1.032,00 akontacija poreza za 2011. godinu, prema zaposlenim za neto plate 18.041,47 KM, po osnovu indirektnih poreza glavnica 2.325,67 KM, da stečajni dužnik nema evidentirane imovine, a ne obavlja poslovnu djelatnost niti ostvaruje prihode od 2013. godine. U mišljenju je navela da ne postoje razlozi za otvaranje stečajnog postupka jer stečajni dužnik nema imovine iz koje bi se pokrili troškovi stečajnog postupka, da se poslovanje ne može nastaviti poslovanje, te da prijedlog za otvaranje stečaja nije podnesen u roku od 60 dana od dana stupanja platežne nesposobnosti.

Privremeni stečajni upravnik Knezović Jasmina je na ročištu održanom 15.04.2026. godine ostala u cijelosti kod navoda iz izvještaja, izjavljujući da stečajni dužnik ne posjeduje imovinu, da je zaustavio proizvodnju prije 10 godina, da je insolventan preko 7 godina, da faktički ne postoji ni sjedište stečajnog dužnika, da direktor ne obavlja svoju zakonsku obavezu više od 10 godina. Na ročištu je ispravila navode iz izvještaja u dijelu postojanja razloga za otvaranje stečajnog postupka i izjavila da postoje uslovi za otvaranje stečajnog postupka, jer stečajni dužnik ima obaveze po osnovu neto plata,

doprinosa na platu, obaveze po osnovu PDV-a, sve u ukupnom iznosu po poslovnim knjigama 29.431,00 KM, a po osnovu evidencija javnih registara Poreske uprave FBiH to iznosi 40.165,52 KM. Stečajni dužnik nema nikakve imovine, odnosno nema imovine ni za pokriće troškova stečajnog postupka te predlaže da sud u skladu sa zakonom pozove povjerioce da izvrše uplatu predujma 4.000,00 KM. Izjavila je da prijedlog za pokretanje stečajnog postupka nije podnesen u zakonskom roku. Punomoćnik predlagača izjavio je da nema primjedbi niti prigovora na izvještaj.

Sud je donio odluku kao u izreci iz sljedećih razloga.

Odredbom člana 102. stav 6. Zakona o stečaju („Službene novine F BiH”, broj: 53/21) propisano je da stečajni sudija otvara stečajni postupak nad imovinom stečajnog dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna da namiri troškove postupka, dok je stav 7. istog člana propisano da ako imovina stečajnog dužnika ne pokriva troškove postupka, a prijedlog je dopušten i osnovan, stečajni sudija će javnim pozivom, objavljenim na oglasnoj tabli suda, web stranici suda - elektronskoj tabli suda i u „Službenim novinama Federacije BiH“, pozvati povjerioce i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka, u iznosu koji odredi stečajni sudija. Stavom 8. istog člana propisano je da ako u roku iz stava 7. ovog člana povjerioci i zainteresirana lica ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak.

Imajući u vidu prethodno navedeno, sud je primjenom odredbe člana 102. stav 7. Zakona o stečaju, rješenjem od 15.04.2026. godine pozvao povjerioce i zainteresovana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 4.000,00 KM, te da po izvršenoj uplati predujma sudu dostave uplatnicu, kao dokaz da je uplata izvršena. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupku.

Rješenje ovog suda od 15.04.2026. godine objavljeno je na oglasnoj tabli suda 16.04.2026. godine, na web stranici suda 15.04.2026. godine i u „Službenim novinama Federacije BiH“ broj: 32 od 29.04.2026. godine.

Kako stečajni dužnik ima obaveze, dok nema imovine u dovoljno iznosu za namirenje troškova stečajnog postupka, a povjerioci i zainteresovana lica po proteku roka ostavljenog u rješenju donesenom od strane ovog suda nisu predložili otvaranje stečajnog postupka niti predujmili novčani iznos potreban za pokrivanje troškova stečajnog postupka, to je primjenom odredbe člana 102. stav 8. Zakona o stečajnom postupku, odlučeno kao u izreci ovog rješenja.

Shodno odredbi člana 108. i člana 204. stav 5. Zakona o stečaju, ovim rješenjem određen je upis rješenja o otvaranju i zaključenju stečajnog postupka koje uslijed nedostatka mase prestaje postojati, te brisanje ovog pravnog lica iz sudskog registra.

#### POUKA O PRAVNOM LIJEKU

Protiv ovog rješenja može se izjaviti žalba u roku od 8 dana od dana dostavljanja, Kantonalnom sudu u Zenici putem ovog suda u tri primjerka.

Stečajni sudija

Samra Spahić-Drino